

Verschiedene Informationen



Get ready to help!

Samariterinnen und Samariter sind «**Menschen wie du und ich**». Sie leben und arbeiten in allen Berufen, sozialen Schichten sowie Regionen und können so jederzeit kompetent Erste Hilfe leisten.

Unsere Sportart ist die «Erste Hilfe»!
 Trainiere mit uns! **Wir freuen uns auf deinen Besuch im alten Schulhaus** an einer monatlichen Übung.

Wir zählen auf dich
Elisabeth Aeschlimann & Liliane Siegrist – Samariter mit Herzblut



Passiv- und Gönnerbeiträge

Vielen -lichen **DANK** all unsern Passivmitgliedern und GönnerInnen!

Dank euren finanziellen Beiträgen ist es uns möglich, in Röthenbach unsere Dienste im Notfall anzubieten und unser Material auf dem neusten Stand zu bringen. Wir danken allen, die uns unterstützen, ganz herzlich und freuen uns, wenn wir auch in Zukunft in Röthenbach im Einsatz stehen dürfen.

Blutspenden: Donnerstag, 23. November 2017 in der Turnhalle
 Wir hoffen auch dieses Jahr viele SpenderInnen begrüßen zu dürfen!



Frouevereinsreis nach Melchsee – Frutt

Äs isch ä trüebe Morgä gsi wo mir üs ufem Chiucheparkplatz versammelt hei. D' Frouevereinsreis het üs uf Melchsee Frutt gfuehrt. 35 Froue u zwe Mannä hei dä Tag für dä Usflug reserviert. Am Morgä am Achti si mir mit Sommer Reisen losgfahrä u hei scho bir Imkerei Lüthi ds Signou der erscht Zwüschahaut gmacht. Ds Ehepaar Lüthi, wo mit Härzbluet ihre Betrieb fuehrt, het üs viu über die chline Wäse chönnä verzelle u abschliessend Frage beantworte. Mir hei no Glägäheit gha diversi Honigschnäppli ds probiere u zugleich der Lade adsluege, wo eim no so mängi Gschänkeidee vermittelt. Nachem Kafi u Gipfeli wo üs Lüthi's hei gschpändet, isch üsi Reis witergangä. Über Huttwil-Sursee-Luzern-Alpnach, dürs Melchtal, schliesslech nach Stöckalp. Wobi mir natürlech no hei müesse ä Pouse ilege für üsä Zwüschähaut. Äs isch für ä Chauffeur nid ganz eifach gsi äs Plätzli ds fingä für nä Horde Lüt uszlade, wo Luscht hei gha uf nä Bitz Späckzüpfe u äs Glesli Cognac oder Baileys. Früsch gschterkt si mir witer nach Stöckalp, wo mir mit dr Gondle uf Melchsee Frutt uechegö u nach äs paar Schritt witer mit em Fruttig Zügli zum Berggasthus Tannalp. Leider isch ds Wätter im Louf vom Morgä nid besser wordä u mi het du die schöni Landschaft u Seenä bau numä chönnä erahne. Im Restaurant si mir züig bedient wordä u hei das feine Ässä gnossä. Mir hei die Beiz fasch für üs alleni gha. Mir sie uf äm gliche Wäg wieder zugg. Ungerdesse het ds Wätter chli uftah u mir hei meh vo dere wunderschöne Gägend gseh. Das wär o äs herrlechs Wandergebiet. Nachdäm mir no chli mit em Personal glaferet hei, (die si froh gsi, heisi öppis ds Tüe gha) si mir wieder mit dr Gondlä achä i ds Tau. D' Heireis het üs übere Brünig nach Röthebach gfuehrt, wo mir im Moospintli bim nä feine Zvieri-Znacht hei dä schön Tag lo usklinge.

Mir hei trotz däm nid so schöne Wätter ganz ä gmüetleche Tag zämä verbracht. Mir hei viu gseh, erläbt u o eifach chönnä chli si u brichte.

Froueverein Röthebach

